

կեանքի, վարք ու բարքի, սովորութիւնների, նախապաշարումների և սնոտիապաշտութիւնների ընդհանուր պատկերը:

Վերջին նամակումը գրում ես, որ շուտով թողնեմ տեղս, արդէն ես էլ մտադիր էի մնաք բարով ասելու իմ ծանօթներին. շուտով կճանապարհւեմ: Ընդունիր ուրեմն սիրելիս կարօտալիր բարեւներս:

Քո՝

ԱՐԱՄ

Քեարւանդ-Քրդեր, 13 Հոկտեմբեր, 1918.

Սիրելի Վարդուհի,

Անցեալ նամակներումս Քեզ նկարագրեցի Փէրիա գաւառն իր բոլոր բնորոշ գծերով. այժմ իբրև յաւելւած Քեզ պիտի գրեմ Քեարւանդ գաւառի երկու հայաբնակ գիւղերի մասին, ուր հէնց այսօր իջեանել եմ:

Ինչպէս Փէրիայում, այնպէս էլ այստեղ տեղի են ունեցել անասելի հարստահարութիւններ և սոսկումներ, որոնց վրայ անհնար է առանց սարսափի նայել: Ես կաշխատեմ պատկերացնել Քեզ այդ դէպքերը, մի քանի տեսարանների և պատկերների նկարագրութեամբ, գէթ աղօտ կերպով գաղափար տալու համար: Այլևս 'ի ու ինձ նամակ մի գրել, շուտով ես Քեզ մօտ կը լինեմ:

* * *

ՍՊԱՀԱՆԻ ՔԵԱՐԱՆԴ ՔՐԴԵՐԻ ԳԱՒԱՌԸ

Սպահանի Քեարւանդ գաւառը գտնուում է Նոր—Ջուղայից գէպի արևմուտք, 16 ֆարսախ հեռու տարածութեան վրայ. դա լեռնաշղթաների, ժայռերի և հովիտների փէշե-